



Social Security Scotland
Tèarainteachd Shòisealta Alba

Tha Pàigheadh Ciorraim Cloinne ga thoirt a-steach an àite Cuibhreann-ciorraim Bith-beò do chlann ann an Alba

Dè tha a' tachairt?

Ann an Alba tha Pàigheadh Ciorram Cloinne ga thoirt a-steach an àite Cuibhreann-ciorraim Bith-beò do chlann. Gheibh luchd-dèiligidh pàigheadh bho Thèarainteachd Shòisealta Alba agus chan ann le Roinn na h-Obrach agus nam Peinnsean a bhios e tuilleadh.

Ma bhios pàiste agaibh a' faighinn Cuibhreann-ciorraim Bith-beò (DLA) do chlann, chan fheum sibh cur a-steach airson Pàigheadh Ciorraim Cloinne is cha tèid seo ath-mheasadh. Thèid an tabhartas aca a ghluasad gu fèin-obrachail.

Am bi roghainn aig daoine?

Chan urrainn do dhaoine taghadh gum bi an duais aca a' fantainn le Roinn na h-Obrach agus nam Peinnsean. Bidh sochairean sònraichte, mar an tè seo, a' gluasad gu Tèarainteachd Shòisealta Alba mar phàirt de Thiomnadh Chumhachdan do dh'Alba.

Am bi buaidh aig seo air pàighidhean?

Cha bhi buaidh aige air an uiread airgid a gheibh daoine. Gheibh daoine an aon uiread airgid, dhan aon chunntas 's a bhios iad a' faighinn nam pàighidhean aca an-dràsta. 'S e Diciadain an latha-pàighidh a bhios ann

Cuin a thachras an gluasad?

Tha sinn ag amas air gach tabhartas Albannach den Chuibhreann-ciorraim Bith-beò do chlann a ghluasad ron earrach 2023, leis a' bheagan a th' air fhàgail air an gluasad goirid às dèidh sin.

Ciamar a bhios fios aca mun atharrachadh seo?

Sgrìobhaidh sinn gu daoine ro làimh gus innse dhaibh cuin a dh'fhaodadh iad a bhith an dùil ris an atharrachadh seo.

Bheir e mu thrì mìosan gus an tabhartas aig cuideigin a ghluasad.

Sgrìobhaidh sinn gu daoine nuair a tha an gluasad dèanta. Innsidh seo do dhaoine cuin a thòisicheas am Pàigheadh Ciorraim Cloinne aca agus cuin a bhios iad an dùil ri pàighidhean fhaighinn bho Thèarainteachd Shòisealta Alba.

Dè thachras ma tha an suidheachadh 's a bheil daoine ag atharrachadh san ùine seo?

Ma dh'atharraicheas càil mus fhaigh daoine dearbhadh air an tabhartas Pàigheadh Ciorraim Cloinne aca, feumaidh iad fios a chur gu Roinn na h-Obrach agus nam Peinnsean cho luath 's a ghabhas air 0800 121 4600.

Dè mu dheidhinn lìosan Motability?

Bidh dleastanas againn airson pàighidhean Motability nuair a bhios an gluasad dèanta. Tha fios aig Motability gun gabh sinn thairis na pàighidhean bho Roinn na h-Obrach agus nam Peinnsean. Ma thathar a' cleachdadh dìreach pàirt den chuibhreann comas gluasaid airson an lìosa, bidh am pàiste fhathast a' faighinn an airgid a tha air fhàgail.

Dè thachras ma tha tinneas-bàis air a' phàiste?

Bidh daoine a tha a' fulang tinneas-bàis nam prìomhachas airson gluasad. Bidh còir fhèin-obrachail aig daoine a tha a' fulang tinneas-bàis agus a tha a' faighinn Pàigheadh Ciorraim Cloinne airson an reat as àirde de chuibhreann a' chùraim agus reat àrd a' chuibhreann comas gluasaid.

Dè thachras do shochairan ceangailte?

Cha bhi buaidh aig còirichean ri sochairan agus seirbheisean ceangailte air sgàth a' ghluasaid. Gheibhear barrachd fiosrachaidh aig mygov.scot/child-disability-payment/related-benefits.

Dè thachras ma tha daoine faisg air an ath-ùrachadh DWP aca?

Bu chòir do dhaoine a tha airson an tabhartas aca a ghluasad a leantainn stiùireadh sam bith bhon DWP gus Cuibhreann-ciorraim Bith-beò airson clann a ghlèidheadh gus am bi am pròiseas gluasaid deiseil agus gun toisich am Pàigheadh Ciorraim Cloinne aca. Tha seo a' gabhail a-steach foirmichean ath-ùrachaidh a lìonadh agus innse do Roinn na h-Obrach agus nam Peinnsean mu dheidhinn atharrachaidhean iomchaidh sam bith.

Faodaidh daoine stad a chur air iarrtas a' Chuibhreann-ciorraim Bith-beò airson clann aca agus cur a-steach airson Pàigheadh Ciorraim Cloinne ma tha iad ag iarraidh, ach cha bhi barantas aca ris an aon uimhir de dh'airgead às dèidh cur a-steach airson Pàigheadh Ciorraim Cloinne agus 's dòcha gum bi beàrn anns na pàighidhean aca cuideachd.

Faodaidh sibh barrachd fios fhaighinn air a' phròiseas gluasaid aig: mygov.scot/benefit-transfer No faodaidh sibh fòn a chur thugainn saor an-asgaidh air 0800 182 2222.

Ciamar as urrainnear fios a chur thugainn?



Cuir fòn thugainn an-asgaidh air: 0800 182 2222



Seirbheis Text Relay: 18001 +0300 244 4000 (do dhaoine a tha maol sa chlaisneachd)



Luchd-cleachdaidh Cànan Soidhnidh Bhreatainn: contactscotland-bsl.org



Còmhradh-lìn: chat.socialsecurity.gov.scot